



JOANNES HUSS obſcuro quodā loco ex pago Bohemiæ Huſs, qui anſer dicitur, natus fuit. Is cum acri ingenio eſſet præditus ſeſe ad Vniuersitatem Pragensem contulit, & diligentि ſtudio omnium disciplinarum, præſertim uero ſacrarum literarum cognitionem adeptus eſt. Dum hoc modo feliciter pergeret, cœpit aliquos errores Romanę ecclſiæ deprehendere, atq; huiusmodi cum Bibliorum libris, & sanctorum patrum enarrationibus conferre. Incidit interea in libros aliquot Vuicklefī, quas nobilis quidam Bohemus ex Anglia ſecum in Bohemiam attulerat. hos cum magno iudicio aliquoties perlegiſſet, ſenſit magnis de cauſis eum ui-
rum permotum ſua Icripta in lucem ædiſſe.